


醫
說
鈔嘉靖廿二年顧遂
序刊於胡相本

| | | | | |
|---|---|---|------|-----|
| | | | | 漢書門 |
| | | | 一六六四 | |
| | | | 二六六四 | |
| | | | 一六六四 | |
| | | | 四六六四 | |
| 冊 | 架 | 函 | 號 | 類 |

| | | | | |
|---|---|---|------|----|
| | | | | 漢書 |
| | | | 一六六四 | |
| | | | 二六六四 | |
| | | | 四六六四 | |
| 冊 | 架 | 函 | 號 | 類 |

| | |
|------|---------|
| 內閣文庫 | |
| 番號 | 漢 12664 |
| 冊數 | 4 (1) |
| 函號 | 300 198 |



大學東
文書局
之印

東神書局

日中
時
書

醫說序

江戶醫學
書局

李明醫說說醫極詳秋山子論厥
大都其詮次醫名醫書本草鍼灸
神醫神方診法為醫要領傷寒以
下盡醫變態養生以下指醫正宗
醫功以下嚴醫箴戒上自遠古下

暇

迄近代大方小說之家撫靡不備
讀之可以警心慎疾可以衛生固
命世用珍之久矣而壞歎遐僻有
未能盡見者乃於湖湘保釐之暇

承印習信信習對行林山子命頌

撫臺石涇陸公檄校讐銀梓用廣

其傳以惠諸人人而李明利濟苦
心并較著矣因廣之曰數之修短
固稟有生醫也者所以衛細允化
也巖墻極枯金革畏溺不足道矣
苟宴安鴆毒之懷神以精耗精以
氣傷豎居高盲疾在骨髓司命無

能緩扁不治又豈若蚤從事善攝
生者哉此季明之所凜凜而搜神
索竒窮根極源為夫人告為醫訓
也人告則知慎醫訓則不庸人知
慎則疾弗從生藥罔用試醫不庸
則方以宜用藥以證施是援疴瘵

推

短折而登之壽域也公之保又平
格之壽亦永永矣不佞揚擢大較
表著鍍梓之由序醫說

嘉靖二十二年癸卯孟夏之吉

賜進士出身通議大夫奉直學士
勅巡撫遼東地方兼督理軍務都察

院右副都御史前湖廣布政使司
左布政使秋山居士餘姚顧遂書

醫說序

皆

泉洛

予

醫說序
醫之伐病猶將之伐敵也夫決機戰攻之地以取勝
用兵者固皆有是心及一旦為皆水陣則觀者愕然
矣非有淮陰為之辨折則孰知出於兵法是兵不可
以無其說也兵不可以無說醫其可以無說乎理中
張杲季明自其伯祖子亮以醫顯京洛間受知於范
忠宣公其祖子發蓋師於其伯祖而有得也於是其
父彥仁繼之季明又繼之源流深遠真所謂三世之
醫也季明喜觀書五六年間凡書之及於醫者必記
之名之曰醫說始見則曰已得幾事矣再見則曰近
又得幾事矣其意欲滿千事則以傳諸人子念醫家

臬子

之書本之以素問靈樞廣之以難經脉訣而藥之君
臣佐使咸萃於本草世固不外是而為之醫也今有
出一奇以起人之始則衆心相與驚異以為昔人所
未到自明者觀之其不有似於背冰陣乎故予知是
書之為有益也已酉歲冬季明携以過我且曰書雖
未成請姑為序之以勉臬之使勿輟會子有鄆郢之
役役控愆亦念李明資甚敏明顯於其業蒐選宜必
精故不假為之易見者徒歎其當盛年著書遽有出
以與人其之其存心有足大者豈非逮事共祖多異
聞故不以得之紙上者為己私分地歟此子所以益
重李明也遂書以冠醫說之首時

共也子

遺

淳熙十六年己酉十月六日朝奉大夫權發遺郢州
事羅頌書

三白代名醫

太昊宏氏

黃帝

巫咸

俞附

雷公

馬師皇

醫神

文華

炎帝神農氏

聖軒

岐伯

桐君

伯高 少俞

秦長桑君

醫神

醫神

之書本之以素問靈樞經之經脈經而後之有
後漢使成華於本草世因不外是而為之醫也今有
出之奇以起之始則或相與為難以高晉之所
未刊自明者觀之其不有似於背水陣乎故予知是
書之為有益也已西歲冬季明博以過我且曰書經
之成請姑為序之以勉來之使勿輟會子有鄆郡之
後後陸德亦念季明實甚敏明顯於其業竟遂宜以
精故不假為之易見者徒歎其當盛年著書遠矣
以與人其之其存心有是夫者豈非達事共知也
朝綴郎書得之紙上者為已松分地歟此予所以益
醫說序 垂子西元九月歲也 贈奉大夫 鄆縣 程 卅

醫說目錄

卷第一

三皇歷代名醫

太昊宓犧氏

黃帝

巫咸

俞跗

雷公

馬師皇

醫緩

文執

炎帝神農氏

巫彭

岐伯

桐君

伯高

秦長桑君

醫和

醫旬

命丹

靈丹

執

鳳網

扁鵲

李醞

安期先生

公孫光

太倉公

王遂

馮信

三王禹

杜信

張機

矯氏 俞氏 盧氏

子豹

崔文子

樓護

揚慶

秦信

宋邑

高期

唐安

玄俗

郭玉

程高

沈建

杜度

華佗

吳普

封君達

董奉

李謨

張苗

趙泉

皇甫謐

涪翁

張伯祖

衛沉

李當之

樊阿

韓康

負局先生

李子豫

王叔和

葛洪

裴顛

劉德

宮泰

阮品

蔡謨

支法存

范汪

王顯

徐雄

徐熙

叔嚮

徐仲融

史脫

靳邵

張華

程據

仰道士

殷仲堪

徐謩

王纂

道度

薛伯宗

胡洽

徐文伯

僧深

羊昕

張子信

李元忠

褚澄

徐之才

陶弘景

徐敏齋

甄立言

徐嗣伯

劉涓子

秦承祖

顧歡

李密

祖珽

鄧宜文

張遠遊

徐之範

甄權

宋俠

許胤宗

張文仲

王方慶

許智藏

元珠先生

孫思邈

孟詵

秦鳴鶴

巢元方

王冰自號啟玄子

卷第二

醫書

醫書

素問惟八卷

方書所出

陸宣公哀方書

黃帝與岐伯問難

醫之起

難經

本草

百藥自神農始

用藥增減市

本草黑白字

誤注本草

鍼灸

鍼灸之始

妙鍼懶走

鍼愈風手

鍼法

鍼鼻生贅

藥有君臣佐使

藥有宣通補洩

藥有陰陽配合

藥名之異

明堂

鍼為愈鬼

許希善鍼

鍼愈風眩

筆鍼破癰

鍼瘤巨風

捫腹鍼兒

砭石

九鍼

鍼舌底治舌出不收

灸皆瘡

灸瘵疾

灸鼻衄

脚氣灸風市

三里頻灸

灸痔疾

善鍼

鍼急喉閉

刺誤中肝

工鍼

艾謂之一壯子

蒜灸癰疽

灸欬逆法

灸牙疼法

灸脚轉筋

灸頭臂脚不宜多

灸蛇毒

灸難產

不宜灸

神醫

軒大醫集業

神醫

死胎

褚澄善醫

以醫知名

非孕

劉從周妙醫

華佗醫疾

灸臍風

因灸滿面黑氣

趙簡子

尸蹩

郝翁精於醫

唐與正治疾

耳聞風雨聲

徒癰

拔麥中蠱

破腹耿病

扁鵲見齊桓公

董奉

臟氣已絕

隨俗為醫

監傷脾

肝氣暫舒

文執

華佗

病有六不治

扁鵲兄弟第三人

病狂

病狂

卷第三

神方

神方

觀音治痢

懸壺

神方

神方

神方

神方

夢張王藥愈癰

諸治吐血

驚風妙藥

神精丹

丁公藤愈風

一服飲

診法

診法

脈形氣逆順

肥瘦虛實

善別脈

救疫神方

呂真人治目疾

治內瘡羊肝元

寒嗽

豬簽元

聖藥

動脈

四時之脈

形氣相得相反

龐安常脈法

同

太素之妙

傷寒

百病之本

病之所由

傷寒有五

竹葉石膏湯

柴胡以咀風

風濕不可汗下

傷寒舌出

辯沙病

傷寒後睡不着

魚遊鰕戲

察病先識其源

六經傷寒用藥格法

陽證傷寒

聖散子之功

寒厥

取汗不可先期

四時癘疾

暑氣所中

傷寒左後之戒

用藥不同

諸風

風者百病之始

中風

諸風

風痙

風眩

偏枯

邪風

睡防風吹

長松治大風

中風用藥

辯諸風證

風痺

眼腿風

風痺

小中不須深治

風厥

白癩病

瘵風癩絕不同

嬰

食川山甲動舊風疾

蚺蛇治風

桑枝愈臂痛

臂細無力不任重

風痺

痺

癰瘰

上氣常須服藥

能眉髮自落

卷第四

菝葜治風不同

蛇墜酒嬰治風

透冰丹愈耳痒

風眩

風蹶

若沓風之功

迴風

手足沉重狀若風者

熱蹶

勞瘵

五勞

七傷

冷勞

傳勞

榮傷瘵疾

鬼症

尸症

鰻治勞疾

骨蒸內熱

人肉治羸疾

六極

虛勞

勞瘵

遇道人治傳勞方

勞後

瘵疾

虛勞用藥

虛勞服藥

氣血虛發厥熱

治羸瘠

治勞瘵吐血

天靈蓋

鼻衄吐血

又

歐血咯血

山梔子茅花愈衄血

頭風

偏頭疼

頭眩

蹶頭熱

婦人偏頭痛

沐頭洗浴

婦人月水來不可浴頭

川芎不可久服

眼疾

目疾

讀書損目

觀音洗眼偈

眼痛不食

眼疾有虛實

一目失明

治內障

治內障眼

斑瘡入眼

目疾忌浴

目視一物為二

口齒喉舌耳

治喉閉

眼疾不可洗浴

眼赤腫

赤目戒食

治眼

治爛緣眼

治眼三百味花草膏

眼中常見鏡子

偷鍼眼

洗眼湯

又

咽喉腫痛

舌腫滿口

牙疼

舌脹出口

齩齒入眼

漱口食冷

齒藥

飲酒喉舌生瘡

齒縫出血

骨哽

治哽以類推

巧匠取喉鈎

舌無故血出

牙齒日長

治齒痛

飲酒嗽口

末能黃齒

齒間肉壅出

苦參不可繫齒可浴頭

鵬砂治哽

况水治哽

治哽

倉卒有智

喘嗽

喘有三證

又

治齧喘

肺氣

喘有冷熱

翻胃

治翻胃

漁人治哽

故漁網治哽

又

咳嗽

治痰嗽

喘病

肺熱久嗽

水喘

驢尿治翻胃

卷第五

乾嘔不止

心疾健忘

抑情順理

驚氣入心

神氣不寧

忽不識字

治惡夢古生瘡

癩疾

又

魘不寤

霍亂吐瀉

古無故血出

心疾入瘵

神思恍惚

健忘詩

治人昏心塞多忘喜誤

麝枕不可察齒

又

狂魚

夢入

夢入

卧而不寐

夜魘

桑葉止汗

犯天麥毒

心脉溢關

人卧血歸於肝

笑歌狂疾

膈噎諸氣

氣膈

五噎諸氣

靛治噎疾

小便如泥之疾

暮卧呪

大驚發狂

夢遺

瘡

血脉

六

五膈

五噎

糖治卒噎

病噎吐蛇
百病生於氣
氣虛氣逆

重虛

氣候

胃氣五臟之本

旦暮氣

五臟所藏

五臟之脉

五惡

五主

食飴至噎
天地氣所至
有餘不足

寒熱厥

六氣

四時五行五臟五氣

四時之氣更傷五臟

五臟所傷

五入

五液

五禁

汗出

消渴

渴服八味丸

又

浮石止渴

熱中消中富貴人

心腹痛

心痛

天瀉腹痛

小腹痛

脾疼

體有可已之疾

又

仲景治渴

苦酒消渴

又

腹痛有數種

暑月破腹

真心痛

冰煎理中丸

又

又

心痛食地黃麵

砂石淋

諸瘡

瘡名不同

心又

疔疾

瘡疾

癥瘕

癥瘕

米瘕

髮

膀胱氣痛

頭垢治淋

又

又

驢軸治瘡

又時五行五臟五氣

病有不可補者五臟

遺積瘕

蛇瘕

髮瘕

斛二瘕

瘕

又

京三稜治瘕瘕

諸蟲

應聲蟲

蛇蟲

九蟲之狀

誤吞水啞

又

又

食髮致疾

鼈瘕

瘕瘕

又

又

五臟之蟲

諸蟲入耳

又

苦寸白蟲

又

又

誤吞蜈蚣
尸蟲

蚰蜒及百虫入耳
酒蟲

卷第六

臟腑泄痢

當暑勿食生冷

辨臟腑下痢

治赤白痢

久患泄瀉

痢有赤白

罌粟治痢

車前治暴下

薑茶治痢

二藥治痢

治臟腑

半夏益脾上瀉

乳煎葶撥治氣痢

臟腑祕澁

腸胃流熱

華

腸風治疾

痔腸風臟毒

酒痢

腸風下血

脫血

臟毒下血

癰疽

服石發疽

治背瘡

病疽

治癰疽

治喉癰

療癰毒

發背無補法

結癰

預療背疽

雲母膏愈腸癰

釘疽

癰瘡

脚氣

脚氣痞絕

脚心如中箭

治閉結并脚氣

脚蹩

漏

時康祖心漏

鱧漏

犬醫瘤得鍼漏

李生虱瘤

癰瘡又百虫入耳

脚氣無補法

脚氣直長

附船愈脚氣病

旋復根汁能續筋

鱧魚覆漏

蟻漏

灸鼠漏

腸胃流熱

腫癭

病腫

陰腫如升并古

小兒熱毒遊腫

脚腫

傳腫

井錫鎮癭

中毒

中仙茅附子毒

中鱧鱉蝦蟇毒

諸果有毒

腫

小兒陰腫

婦人陰腫

背腫

癭

中

中

中

中

中

中

傳

中蜈蚣毒

脚中魚毒

魚鮓遇蠱毒

中天蛇毒

誤飲蛇文水

中山鷄鷓鴣毒

漏地漿治菌毒

解毒

解蠱毒呪并方

治蠱

甄解毒

藥及中毒

中葛菜毒

中酒毒

中桃主毒

中蜘蛛毒

中石斑魚子毒

背甄

破入甄甄

解肚毒甄

解毒藥

蠅解毒

獸能解藥毒

保靈丹

卷第七

積

傷滯用藥不同

食藥

擲撲打傷

舌墮馬

龜獻奇方治傷折

又

又

蛛為蜂螫

物能去積

治積用藥

治背白脫

打撲傷損

又

又

又

又

又

又

熱悉涕愈傷指

墜馬折足

搓衮舒筋

奇疾

簷溜盥手龍伏藏指爪中

婦人異疾

消食籠

醉髀瘡兒出

啖物不知飽

王氏異疾

小兒魘病

打損撲

蹴蹴墜損

吐白

白

嘔物如舌

孕婦腹內鐘鳴

人面瘡

腸痒疾

療饑蟲

足面奇瘡

蚊

產後腹痒

蚊龍病

產婦腹中痒

瘡破雀飛

怪石鏡

人漸縮小

寒熱注病

大怒病差

視胎已死

病悲思

兒生腎縮

醜氣薰面腫

疑疾

食鱸吐蝦蟇

蛇在皮中

冷疾

視直如曲

剗腹視脾

蒸之得汗

死枕愈病

穀獨氣

飲水得積

誤吞金鎖

蛇虫獸咬火傷

白芷治蛇齧

奇辟蛇毒

山林日用法

蜘蛛齧

馬咬

惡蛇螫

又諸獸傷

又大傷

飛絲入眼

被毒蛇傷

蛇虫所傷

治蚯蚓咬

猫傷

蜈蚣咬

壁鏡咬

蠶咬

制犬所傷

又大傷

咬

虎犬咬

蝎螫

湯火金瘡

大黃療湯火瘡

湯火瘡

治湯火呪

治金瘡

火氣入脚生瘡

田舍試驗之法

食忌

鼠盜食忌

薑螫

蠶螫

醋泥塗火燒瘡

湯火瘡禁用冷

飲金瘡口

又

漆澆成瘡

治箭鏃不出

淡食

淡食

飲食不可露天

勿過食

食蟹反惡

炊湯不宜洗面體

食勿多飽勿卧

飲食忌

黃帝撰忌法

食蜜不可食鮓

飲食宜緩

食禁

勿食生鮮

雜忌

食鼈不可食鳧

銅器不可蓋食

食驢鼈漏肉之戒

發暴

醉飲過度

飲食禁忌

食河豚不可服風藥

陰地流泉不可飲

禽獸虫魚異肉不可食

四時不食

卷第八

服餌并藥忌

服藥忌食

挑膠愈百病

食水不饑

服黃連

飽勿便睡

食無求飽

食飲以宜

五味致疾

魚無腮不可食

生物食之無益

飲食以時

粥能暢胃生津液

飲酒面青赤

藥欲用陳

服水

服水忌蛤

服松脂

服黃精

真菊野菊

服蓴蒲

三藥

非常服熱藥

補骨胎元

遍體盡疼

人氣粉犀

物性皆有離合

施藥

蒼朮辟邪

不食蒜

論物理

服餌忌羊血

扑消下死胎

泉耳補益

用藥偏度

功在搗皮

老人疾患

藥議

風土不同

陰氣所侵

流水止水

古方無妄用

服藥次序

五味各有所歸

又

疾證

妄庸議病

辯證

外感内生諸疾

反治法

六淫之疾

服雄黃

草藥不可妄服

服餌

治胡臭

枳殼散之戒

藥

病生於和氣不須深治

病名不同

取像

五臟六腑其說有謬

治病有八要

冒

病不可治者有六失
婦人以帛蒙手臂
鬱冒六神其結首鬱
外患當以意治

論醫

醫

論黃連書

髮鬚眉所屬

六氣六候

卷之九

養生脩養調攝

養生

藥有君臣
活人書
醫特意耳
婦人以帛蒙手臂
鬱冒六神其結首鬱
外患當以意治

論醫

醫

論黃連書

髮鬚眉所屬

六氣六候

卷之九

養生脩養調攝

養生

又示以論是服

內外丹

養神

全養性

和氣

存心中氣

般運捷法

養性之術

養生倡

孫真人養生雜訣

孫真人十二多

神氣

六氣

存想

吐納

夜卧

服玉泉

真常子養生

藏精養神

孫真人養生銘

無輕攝養

抱朴子十五傷

攝養

善攝生

調攝

炭能養生

腎神

四損

體欲動搖

金石藥之戒

服丹之戒

服丹之過

金液丹無妄服

衛生五事

保養

真人養生銘

摩面

心腎肝膽

精氣形

五石散

不可服

服金石藥之戒

服丹無丹

卷

秋石不可久服

服水銀

雷世賢丹藥

丹發背疽

婦人

婦人

養胎大論

轉女為男法

視井生男

十月而生

郝翁醫婦人驗

丹砂之戒

服丹多灸風市穴

服丹自焚

丹緩其死

婦人論

避忌法

又

天癸

妊孕避忌

妊婦不語

半產正產

催生歌

產後寒氣入腹

渴飲五味汁

懷子而不乳

產後瘕瘕

婦人月水不通及不斷

漏下帶下崩中

療師尼寡婦別製方

姪子

產難

產難厭勝

產婦頭疼寒熱

產難胞衣不出

孕婦逆生

運悶

四物湯之功

任氏面疾

又母之疾

卷第十

小兒

小方

瘡痘禁鷄鴨子

小兒不可食鷄

兒得母寒下痢

小兒糞青

小兒得地氣方行

小兒初生回氣

小兒初生通大小便

小兒傷乳食發熱

小兒血熱

善醫小兒

小兒夜啼

治兒語遲

小兒感冷身熱

小兒瀉後脚弱

小兒初生畏寒

小兒初生服藥

小兒夜啼有四證

小兒發熱治法

急慢驚風

癩

小兒吐瀉用藥

小兒瀉痢

小兒解顛

瘡疹

瘡疹有表裏證

瘡疹黏衣用牛糞

剝瘡痂免成癩

瘡疹不洗面

瘡疹用臘脂塗眼

瘡疹後服清涼飲子

小兒丹毒

小兒吐瀉後成慢驚

小兒初生不飲乳

及見臍血出

見臍久不乾

意以浴兒之功

臍風撮口

瘡

瘡瘍生於頰

木癩成瘡

耳塞敷瘡

壁土治瘡爛

治瘡久不合

治下疳瘡

遍身患瘡

賺瘡

豐瘍

懶髓補瘡

石菖蒲愈瘡

風熱細癩

風毒濕瘡

患瘡

魚臍瘡

頭瘡禁用水銀

治惡瘡

治善惡瘡

搔髮際成竅出血

病肥脉

傳瘡

病癩

脚瘡

黃連愈癬

五絕病

五絕

凍死

自縊

疝瘰痺

湧疝

壯疝

腎痺

熱病氣

瘰瘰

醫功報應

治卒死

溺死

夏月熱倒人法

氣疝

肺消痺

胸痺

脾氣

胃疸

醫功報應

許學士

用詭道以劫流俗

符助教

醫僧瞽報

段承務

醫不貪色

聶醫善士

徐樓臺

水陽陸醫

下胎果報

鮑君大王

醫以救人為心

醫說目錄

醫說卷第一

亦痺痺

醫不食色

對疾

醫解替時

替時

醫謂直以味

醫得藥虛

治死

溺死

夏月熱創人法

醫以對入心

醫春風王

醫果時

醫對醫

醫對堂

醫醫善士

醫說卷第一

宋新安張杲李明集

明江夏後學羅練鄧正初校

劉喬郁益錄

草三皇歷代名醫

太昊宓犧氏

宓犧氏以木德王風姓也一日庖犧氏亦曰太昊蛇

首人身生有聖德毋號華胥都於陳作瑟有三十六

絃其理天下也仰則觀象於天俯則觀法於地鳥獸

之文與地之宜近取諸身遠取諸物於是造書契以

代結繩之政畫八卦以通神明之德以類萬物之情

脩

所以六氣六腑五臟五行陰陽水火升降得以有象
百病之理得以類推炎黃因斯乃嘗味百藥而制九
鍼以拯夭枉矣世記 炎帝神農氏
炎帝神農氏長於姜水因而姓姜人身牛首生有聖
德始教天下耕種五穀而食之以省殺生之弊嘗味
草木宣藥療疾以救夭傷之命百姓日用而不知著
本草四卷至梁陶弘景以名醫別錄加之為七卷逮
于我唐統極英國公李勣許孝宗蘇敬宗等奉詔更
復採撫去陶氏之乖違辯俗用之紕紊新脩為二十
卷于今行焉出帝王世紀
及本草論序

天

黃帝

而

成

黃帝有熊氏少典之子姬姓也長於姬水龍顏有聖
德生而能言後使百靈可謂夫授自然之體也猶不
能坐而得道故以地黃元年正月甲子將遊名山以
求神僊時方明力牧從焉東到青丘見紫府先生受
三皇天文以效萬神至具茨而大見隗君而受神芝
圖至蓋上見中皇真人受九茹散方至羅霍見黃蓋
童子受金銀方十九首適崆峒而問廣成子受以自
然經造峨嵋山並會地黃君受以真一經入金谷問
導養而質玄素二女著體診則問對雷公岐伯伯高
少俞之論備論經脉傍通問難以為經教制九針著

內外術經十八卷陟王屋山玉闕之下清齋三日乃
登於玉闕之上入瓊林臺於金杭之上得玄女九鼎
神丹飛香爐火之道乃於茅山採禹餘糧烹之得銅
遂還荆山之下鼎湖之上參爐定藥虎豹萬群為之
視火九鼎神丹成有黃龍下迎黃帝上昇群臣後宮
從上者七十餘人其小臣不得上乃悉持龍髯拔墮
帝弓萬姓仰望帝既上昇乃抱其弓與髯而號故後
世因名其處為鼎湖其弓名烏號出帝王世紀太清
皇帝九鼎丹經

巫彭

巫彭初作醫周宮曰五穀五藥養其病五氣五聲五
色視其生觀之以九竅之變參之以五臟之動遂有

五毒攻之以五藥療之以五氣養之以五味節之以
祛百病出史紀及周書

巫咸

巫咸堯臣也以鴻術為帝堯醫又出世本白巫咸初
作筮出郭璞巫咸山序及世本

岐伯

岐伯黃帝臣也帝使岐伯嘗味草木典主醫疾經方
本草素問之書咸出焉出帝王世紀

俞跗

俞跗者黃帝臣也善醫術所治病不以湯液醪醴
石躄引湯熨撥見病之應因五臟之輸乃割皮解肌

白

決脉結筋搦髓撲荒爪幕湔浣腸胃漱滌五臟鍊精
盪形以去百病焉史記

桐君

桐君者黃帝時臣也撰藥對四卷及採藥錄紀其花
葉形色論其君臣佐使相須至今傳焉本草經序

雷公

雷公者黃帝時臣也善醫術黃帝燕坐召雷公而問
之汝受術誦書者若能覽觀雜學別異比類通合道
理務明之可以十全若不能知為世所怨又曰子知
醫之道乎誦而頗能解解而未能別別而未能明明
而未能彰足以治群僚不足以治侯王雷公避席再

拜曰臣年幼小蒙愚以惑不聞臣受業傳之以教請
誦脉經上下篇衆多矣至於別異比類猶未能以十
全又安足以明之云素問

伯高 少俞

伯高少俞並黃帝時臣未詳其姓輔佐黃帝詳論脉
經對揚問難經究盡義理以為經論故人至于今賴
之素問

馬師皇

馬師皇者黃帝時獸醫也善知馬形氣生死之診治
之輒愈後有龍下向之垂耳張口師皇曰此龍有病
我能醫之也乃鍼其脣及口中以甘草湯飲之而愈

又數數有龍出其陂造而治之一旦龍負之而去不知所之也列傳

秦長桑君長桑君者六國時人不知何許人也時人莫有識者扁鵲少時為人舍長舍客長桑君過扁鵲心自奇異之常謹以禮遇長桑君亦知扁鵲非常人也乃悉取其禁方書與扁鵲

醫緩

醫緩春秋時秦人也未詳其姓晉悼公病求醫於秦伯伯使醫緩治之未至公夢二豎子相謂曰彼良醫也懼傷我焉將迹之其一曰我居盲之上汝居膏之

下若我何緩至謂公白疾不可為也在盲之上膏之下攻之不可達之不及達為藥不至焉不可為也公曰良醫也厚禮而歸之

醫和

醫和者春秋時秦國人未詳其姓晉侯有病就醫於秦伯伯使醫和視之曰疾不可為也是謂近女室疾盡非鬼非食惑以喪至喪至為良臣將死天命不祐趙孟曰良醫也厚其禮而歸之並春秋左氏傳

文摯

文摯者春秋時宋國良醫也洞明醫道亦兼異術龍叔子謂之曰子之術微矣吾有疾子能已之并文摯

則命龍叔皆明而立文執從後向明而熟視之曰嘻
吾見子之心也方寸之地虛矣幾聖人也子心六孔
流通一孔不達今聖智為疾惑此由乎治之遂愈

醫罔

醫罔者秦時良醫也莫知其姓張子皆腫命罔治之
張子謂之曰非吾皆也任子制馬治之遂愈天身之
與國而猶此也必有所委然後治之出伊

鳳綱

鳳綱者漢陽人也常採百草花水漬之瓮盛封泥自
正月始迄九月未又取瓮埋之百日煎元之卒死者
以此藥內口中水下之皆生服綱藥者非但疾差數

百歲不死後入地肺山僊去也出神僊傳

矯氏 俞氏 盧氏

矯氏俞氏盧氏並周之良醫也出列子及初學記

扁鵲

扁鵲者渤海鄭人也徐廣曰鄭當為鄭姓秦名越人

至今天下言脉者由扁鵲也出史記

子豹

子豹者秦越人弟子號太子死扁鵲乃使弟子子陽
厲鍼砭石以取三陽五會有間太子蘇扁鵲乃使子
豹為五分之熨以八減之劑和煮之以熨兩脅下太
子遂能起坐焉出史記

李醢

李醢為秦太醫令自知技不如扁鵲遂密使人刺殺之史記

崔文子

崔文子者秦時泰山人也志好黃老事居潛山下後作黃散赤丸之藥賣之都市自言年三百餘歲後有疫氣人死者萬萬計長史請文子救之文子擁朱旛繫黃散以巡人間飲散服丸即愈所活者以萬計其後去之蜀賣藥故世人云崔文子赤丸黃散近於神也出列傳

安期先生

安期先生者瑯琊鄉人也賣藥海邊時人謂之千歲公李少君太山扶藥病困殆死遇安期安期與之神樓散服一錢匕遂愈秦始皇聞之召見與語三日三夜賜金璧數千萬出於阜鄉亭皆置之而去出列傳

樓護

漢樓護字君卿齊人也父為醫護少誦經方本草秘方千萬言長老咸敬重之共謂之曰以吾子之材何不官學乎由是辭其父學經為京兆令甚有名譽漢書

公孫光

公孫光齊淄川唐里人也好醫術為當時所重初淳

于意就光家求學光悉以教之所授妙方子無以教人意曰得禁方實幸甚死不敢妄傳光曰爾後必為國公吾方盡矣臨淄楊慶其方甚奇異吾不如之可謹事之必得其方意遂辭光而事慶焉出史

楊慶

太倉公者齊太倉長臨淄人也姓淳于氏名意少而喜醫方術高后公年得見師臨淄元里公乘揚慶慶有古先道遺傳黃帝扁鵲之書五色診病知人生死

決嫌疑定可治及藥論書其精悉受其禁方

秦信

秦信者不知何許人也少明敏有度量好經方本草及黃帝扁鵲之脉書為當代良醫

王遂

王遂不知何郡人少習經方工於理療以藝業精博為齊王侍醫

宋邑

宋邑者臨淄人也率性愛人志尚醫術就齊太倉公長淳于意學五診脉論之術為當世良醫並史

馮信

馮信齊臨淄人也為齊太倉長性好醫方精於診處而臨淄王猶以其識見未深更令就淳于意學方意教以按法逆順論藥定五味及和劑湯法信受之擅名於漢出史記

高期

高期不知何許人也入仕為濟北王太醫王以期術藝未精遺就倉公淳于意學經脉高下及奇絡結命穴所在及氣當上下出邪正逆順以宜定鏡石刺灸之法歲餘亦頗通之及以此知名

王禹

王禹不知何郡人以藝術為濟北王太醫以識見未

精就倉公意學數歲悉通之以此知名漢代

唐安

唐安齊臨淄人也言貌謙恭風儀溫雅性好醫術就倉公學意教以五診上下經脉奇恒四時應陰陽之法乃為齊醫

杜信

杜信不知何郡人也性度溫恭謙柔好學知是身是病乃悉心學醫自欲扶危持顛兼以安人濟眾遂以倉公求學情理甚懇意憐之教以上下經脉五診之法二歲餘亦以知名漢代出史記

玄俗

俗

玄俗者莫知其姓字也自言河間人恒食巴豆雲母
賣藥於都市為人治病河間王買藥服之下蛇十餘
頭王問其病源俗云王病乃六世餘殃非王所知也
緣王常放乳鹿仁感天心故遭俗爾王欲取女妻之
俗夜亡去不知所之後有人見於常山之下焉列傳

張機

後漢張機字仲景南陽人也受術於同郡張伯祖善
於治療尤精經方舉以孝廉官至長沙太守後在京
師為名醫於當時為上手時人以為扁鵲倉公無以
加之也出何顯別傳及甲
乙經仲景方論序

郭玉

試手

郭玉太醫丞廣漢人也和帝試玉之診使嬖臣美乎
者與宮人雜處帷中令玉診之玉曰左陽右陰非一
女之脉也帝甚竒之後漢書

程高

程高廣漢人也性好經方問道無倦有一藝長於已
者必千里伏膺聞涪翁善醫術及針經脉診法尋求
積年竟及得之擅名當代為太醫丞後漢書

涪翁

涪翁者不知姓名釣於涪水因號涪翁精於醫術所
治病不限貴賤皆磨踵救之而不求其報甚為當代
所重後漢書

沈建

輒輕

沈建丹陽人也父為長史而建獨學好道不肯仕宦學導引服食之術延年却老之法又能治病病無輕重建治輒愈建斷穀不食輕舉飛行或去或來如此三百餘年乃絕跡不知所之出傳

張伯祖南陽人也志性沉簡篤好方術診處精審療

皆十全為當時所重同郡張仲景異而師之因有大

譽出張仲景方序論

杜度

杜度不知何許人也仲景弟子識見宏敏器宇冲深

出

淡於驕矜尚於救濟事仲景多獲禁方遂為名醫仲景方

衛沉

衛沉不知何許人也仲景弟子知書疏有小才撰四逆三部厥經及婦人胎臍經小兒顱顛經方三卷皆其所制知名當代出仲景方

華佗

華佗字元化浦國譙人也洞曉醫方兼善養性之術年百歲餘而貌有壯容時人謂之僊魏志列傳

李當之

李當之者不知何許人也華佗弟子少通醫經尤精

藥術出梁

七錄 吳普

吳普廣陵人也為華佗弟子以藝術知名性恬淡善醫方年九十餘而耳目聰明牙齒完堅知名當代梁錄

樊阿

樊阿彭城人受術於華佗遂為名醫出張湛養生論華佗別論封君達

青牛道士封君達隴西人服黃連五十餘年又入鳥鼠山服汞百餘歲後還鄉里視之如年三十者當騎青牛聞有疾病死者無論識與不識以藥治之應

常

手而愈後入丘山僊去

神僊傳及博物志

韓康

韓康字伯休京兆灃陵人常採藥於明山賣於長安市口不二價三十餘年時有女子從康買藥康守價不移女子曰公是韓伯休那此不二價康嘆曰我本避名女子皆知有我何用藥為遁入灃陵山中莫知所之出高

董奉

董奉字君異候官人也為人治病病愈令種杏五株輕者一株數年之間杏有十萬杏熟以穀一器易一器杏以所得穀賑救貧之奉在人間近二百年顏貌

之

士

菜

若三十許人一旦舉手指天竦然身入雲出葛洪神仙傳

負局先生問杏林十萬杏林一器一

負局先生吳人也莫知其姓名負局磨鏡人有疾苦

即出紫丸赤丸與服無不差後大疫家至戶到與藥

活數萬餘人不取一錢去時與人曰吾欲還蓬萊山

為汝曹下神水崖頭一旦有水色白從石間流下服

多愈疾出仙傳

李讓字欽仲梓潼涪人也通五經諸子無不該覽博

好醫方為庶子遷僕射中散大夫後在官卒蜀志

李子豫

李子豫晉時不知何郡人也少善醫方當代稱其通

靈許求為豫州刺史其弟患心腹堅痛十餘年殆死

忽自夜間屏風後有鬼謂腹中鬼曰何不促殺之不

然明日李子豫當從此過以赤丸打殺汝汝其死矣

腹中鬼對曰吾不畏之於是許求使人候子豫子豫

果來未入門病者自聞腹中呻吟及子豫入視曰

鬼病也遂於其箱出入毒赤丸與服須臾腹中雷鳴

彭轉大利數行遂愈今八毒丸方是也出續搜神記

張苗

張苗不知何郡人也雅好醫術善消息診處為時所

重出晉書

王叔和

王叔和高平人也博好經方尤精診處洞識攝養之道深曉療病之源採摭群論撰成脉經十卷編次張仲景方論為三十六卷大行于世

出張湛養生方

趙泉

趙泉不知何許人性好醫方拯救無倦善療眾疾於瘡尤工為時嘆服

出晉書

葛洪

葛洪字稚川丹陽句容人也廣覽眾書及諸史百家之言下至短雜文章近得萬卷自號抱朴子善養生之術明拯救之法撰經效諸藥方三卷明日肘後

出晉書

中興書

皇甫謐

皇甫謐字士安幼名靜安定朝郡人也沉靜寡欲始有高尚之志以著述為務自得風痺疾因而學醫習覽經方手不輟卷遂盡其妙

裴顛

裴顛字逸之河東人也多學術善醫經診處通明方藥精富于時名醫願學咸皆歎服官至尚書左僕射

並醫書

劉德

劉德彭城人也少以醫方自達長以才術知名當朝

縉紳伏膺附響攻治衆疾於虛勞不足尤見精通療
之隨手而愈猶是承流向風千里而來者多矣官至
太醫校尉

史脫

史脫不知何郡人氣性沉毅志行敦簡善診候明消
息多辯論以醫精專拯療工奇拜太醫校尉治黃疸
病最為高手

宮泰

宮泰不知何郡人幼而岐嶷長而聰敏靜好墳典雅
尚方術有一藝長於已者必千里尋之善診諸疾療
止氣尤異制三物散方治喘嗽上氣甚有異效世所

貴馬

靳邵

靳邵不知何許人也性聰敏有才術本草經方誦覽
無不通究裁方治療意出衆見創置五石散譽石散
方晉朝士大夫無不服餌獲異效焉

阮侃

阮侃字德如陳留尉氏人也幼而聰惠長而好學性
沉靜有大度以秀才為郎游心方伎無不通會於本
草經方療治之法尤所耽尚官至河內太守

張華

張華字茂先范陽方城人也學業優博辭藻溫麗精

於經方本草診論工奇理療多效

出晉書及徐廣晉書

蔡謨

蔡謨字道明不知何許人也素以儒道自達治莅知名性有道風耽尚醫術常覽本草經方手不釋卷及授揚州刺史將之任渡江食蠅誤中彭蠡毒殆死嘆曰讀爾雅不熟為勸學所誤焉出晉紀

程據

無不取財異效

程據不知何許人志性沉毅雅有度量少知醫術知名為太醫令晉中興書

名為太醫令

支法存

支法存者嶺表僧人也幼慕空門心希至道而性敦

方藥尋覽無厭當代知其盛名自永嘉南渡晉朝士夫不襲水土所患皆脚弱唯法存能拯濟之出千金方序

仰道士

仰道士嶺表僧人也少以聰惠入道長以醫術關懷因晉朝南移衣纓士類不襲水土皆患脚軟之疾染者無不斃踣而此僧獨能療之天下知名焉千金方序論

范汪

范汪字玄平不知何郡人少孤年六歲過江依外家新野庾氏賓于園中布衣蔬食燃薪寫書畢讀誦亦遍遂博通百家之言性仁愛善醫術嘗以拯恤為事凡有疾病不以貴賤皆治之所活十愈八九晉中興書

懷

殷仲堪陳郡人父病積年衣不解帶躬學醫方究其
精妙出晉書

王顯不賦回祿命心疾平太歲王顯

王顯字世隆滎陽平人也以醫術自達而明敏初文

昭皇后之懷世宗夢為日所逐化為龍而遷后后寤

而驚悸遂成心疾勅召諸醫及顯為后診脉徐謩言

是微風入臟宜追湯藥及加鍼灸顯診云按三部非

有心疾將是懷孕生男之象後果如顯言乃補御史

出後漢書

徐謩想備為候其益谷自來春南野晉博士

徐謩字成伯丹陽人也與兄文伯皆善醫謩性祕忌
承奉不得意雖貴如王公不為措療魏孝文遷洛除
中散大夫文伯事南齊位至太山蘭陵守出南齊史及後魏書

徐雄示

徐雄謩之子也為員外散騎侍郎醫術為江左所稱
至雄子之才貴盛贈太常卿兗州刺史南齊史

王纂

王纂者海陵人少習經方尤精鍼石遠近知其盛名
出劉顥叔異苑

徐熙

徐熙字秋夫不知何郡人時為射陽令善醫名聞海

內... 道度

道度熙之長子也器宇宏深節行清敏少精醫術長有父風位至蘭陵太守

叔嚮

叔嚮熙之次子也志性溫恭敏而好學善於政理尤工醫術官至太山太守

薛伯宗

薛伯宗

薛伯宗不知何許人善以禁氣治人病

徐仲融

徐仲融不知何郡人為濮陽太守性好黃老隱秦望

救

山有道士過之求飲因留一葫蘆遺之曰君習之子孫當以道術救世位至二千石仲融開視乃扁鵲鏡經一卷因精心學之術名振海內仕至濮陽太守

胡洽

胡洽道士不知何許人性尚虛靜心棲至道以拯救

為事醫術知名

徐文伯

徐文伯字德秀東陽人也為太山太守素有學行篤

好醫術

徐嗣伯

徐嗣伯東陽人也文伯之弟志節慷慨超然不群少

慨

特

負奇才雅有異術而性行仁愛經方診訣舌候靡不
詳練悉心拯救不限貴賤皆磨踵救之多獲奇効持
為當代所稱並宋書 僧深南齊書 僧深 僧深 僧深
僧深齊宋間道人也少以醫術知名療脚弱脚氣之
疾為當時所服撰錄法存等諸家舊方三十餘卷經
用多効時人號曰深師方千金方 序論 心卦至直以姓

劉涓子

劉涓子不知何許人晉末於丹陽郊外照射忽有一
物高二丈許因射而中之走如電激殼如風雨夜不
敢追明日率門人弟子鄰巷數十人尋其踪跡至山

照

大

下見一小兒問曰何姓小兒云主人昨夜為劉涓子
所射取水以洗瘡因問小兒主人是誰答曰是黃老
鬼乃將小兒還來至聞搗藥殼遙見三人一人卧一
人開書一人搗藥即齊殼叫突而前三人並走遺一
帙癰疽方并一白藥時涓子得之從宋武帝北征有
被瘡者以藥塗之隨手而愈論者謂聖人作事天必
助之蓋天以此授武帝也涓子用方為治千無一失
演為十卷號曰鬼遺方出襲慶宣 鬼遺方序

羊昕

羊昕字敬元不知何許人志好文儒性敦方藥蒞事
詳審診療精能以拯濟功奇累遷中散去未義興太

守

秦承祖

秦承祖不知何郡人也性耿介有決斷當時名人咸所歸服而專好藝術精於方藥不問貴賤皆治療之當時稱之為上手

並宋書

張子信

張子信河內人也清靜好文學少以醫術知名太寧中徵為尚藥典御書

出齊書

顧歡

顧歡字玄平吳郡人也隱於會稽山陰白石村歡率信仁愛素有道風或以襤屨而多所全獲有病邪者

以問歡歡曰君家有書乎曰唯有孝經可取置病人枕邊恭敬之當自差如言果愈問其故曰善襤屨正勝邪

吳均齊春秋

李元忠

李元忠驃騎大將軍兼中書令晉陽縣伯趙郡栢仁人也初以母老多患遂通集方術志性仁恕疾病療之無問貴賤

北齊書

李密

李密殿中尚書濟州刺史容城縣侯食邑四百戶字希邕平棘人也密方直有至行母病積年不愈乃習經方遂盡其妙多所全獲由是知名

陸之崔季舒

崔季舒字叔正博陵安平人少孤明敏有識幹涉獵
經史愛好文章長於尺牘有經世才精於醫術經方
本草嘗所披覽不限貴賤皆拯治之

北齊書

祖珽字孝徵范陽涿人也博學善屬文尤長於醫術

北齊書

褚澄

褚澄齊尚書吳郡太守字彥通雅有才量博好經方
善醫術診處上候究盡其疾病療之無貴賤皆先審
其苦樂榮悴鄉壤風俗水土所宜氣血強弱然後裁

方用藥至於寡婦僧尼必有異乎妻妾之療

鄧宣文

鄧宣文不知何許人少以醫術知名志性方直除太

醫尚樂典御並北齊書

徐之才

徐之才金紫光祿大夫開府儀同三司尚書令西陽
郡王字士茂高平金鄉人幼而俊發酬應如響善醫
有機辯武明皇太后不豫之才奉藥立愈肅宗召與
同坐令皇太子拜之贈帛千段錦四百疋車馬衣服

上利田園千畝

張大素齊書

張遠遊

張遠遊齊人也以醫藥道術知名尋有詔徵令與術士同合九轉金丹丹成顯祖置之玉匣曰貪人間樂不能飛上天待我臨死方可服

陶弘景

梁陶弘景貞白先生字通明丹陽人母郝氏夢兩天人手執香爐來至其所既而有孕以孝建三年夏至日生幼而警慧博學通經有志養生性好醫方專於拯濟利益群品故脩撰神農本草經三卷

出梁書及藝文雜類

徐之範

徐之範儀同大將軍太常卿恒山太守嗣西陽王即北齊之才之弟也亦以醫術知名官至太常卿襲兄

滅

爵為西陽王齊滅入周拜儀同大將軍

後周書

徐敏齊

徐敏齊太常卿之範之子也工醫博覽多藝開皇中

贈朝散大夫

出隋書

甄權

甄權許州扶溝人常以母病與弟立言專習醫方遂究其妙

甄立言

甄立言權之弟也俱以母病專心習醫遂盡其妙武德中累遷太常丞御史大夫杜淹患風毒發腫太宗令立言治之既而奏曰更二十一日午時死果如其

言立言者之難而求其一二者曰予讀史果吸其
宋俠者不知何郡人也性明敏有學術於經方林算
尤所敦尚竟以醫術知名

許胤宗

許胤宗常州宜興人初仕陳為新蔡王外兵參軍時
柳太后感風不能言脉益沉而噤胤宗曰口不下藥
宜以湯氣蒸之令藥入腠理周時可差遂造黃耆防
風湯數十斛置於床下氣如煙霧如其言便得語由
是超拜義興太守

並唐史

孫思邈

孫思邈雍州華原人七歲就學日誦千言善談莊老
百家之說性好醫術但是經方無不該覽撰千金等
方行于世

張文仲

張文仲洛州洛陽人以醫術著名文仲則天時為侍
御醫尤善療風疾則天令撰療諸方奏曰風有一百
二十種氣有八十種大抵雖同人性各異唯氣頭風
則隨發動臨時消息之但有風氣之人春末夏初秋
暮得通洩即不至困劇

孟詵

孟詵者汝州梁人也以進士擢第垂拱初累遷鳳閣

舍人少好方術以藥餌為事撰補養方必効方行于世

王方慶太原人也雅有材度博學多文篤好經方精於藥性

秦鳴鶴不知何許人也為高宗侍醫

許智藏高陽人幼常以母疾博覽醫方世號名醫仕陳為散騎侍郎會秦孝王俊有疾上馳召之夜夢其

下妃崔氏泣曰本來相迎聞許智藏將至其人若到

當發瘡不可救也果如其言

巢元方不知何許人也大業中為太醫博士奉詔撰

諸病源候論五十卷岡不該集

元珠先生

元珠先生不知何許人也隱顯莫測惟太僕令王冰

識其為異人乃師事之元珠洞明素問究極微奧密

授妙旨教冰五臟六氣脩煉養生之法草石性理祛

邪去疾神方由是冰乃注大經素問至一為醫家宗

序

巢元方

當必相苦為之奈何明夜俊又夢崔氏曰妾得計矣

當入靈府中避之智藏至為俊診脉曰疾已入心即

當發瘡不可救也果如其言

巢元方

巢元方不知何許人也大業中為太醫博士奉詔撰

諸病源候論五十卷岡不該集

元珠先生

元珠先生不知何許人也隱顯莫測惟太僕令王冰

識其為異人乃師事之元珠洞明素問究極微奧密

授妙旨教冰五臟六氣脩煉養生之法草石性理祛

邪去疾神方由是冰乃注大經素問至一為醫家宗

問

鮑出獲軒之曲吳水已去夫致素問至一
對心首王冰自號啟玄子刺奇生之志草亦對野林
王冰寶應中為太僕令篤好醫方得先師所藏太素
及全元起者大為次註素問合八十一篇二十四卷
且序曰將升岱岳非廷奚為欲詣扶桑無舟莫過乃
精勤博訪而并有其人歷十二年方臻理要詢謀得
失深遂夙心出林光祿素問序入業中為太醫博士本隋也

醫說卷第二

宋新安張果季明集

明江夏後學羅練鄧荔校

劉昉富郁盞錄

醫書

醫書

皇甫謐帝王世紀曰黃帝命雷公岐伯教制九鍼著
內外經素問書咸出焉黃帝內傳曰帝昇為天子鍼
經脉訣無不備也故金匱甲乙之類皆祖黃帝

黃帝與岐伯問難

黃帝御極坐明堂之上臨觀八極考建五常以謂人

生負陰而抱陽食味而被色寒暑相盪喜怒交侵乃與岐伯上窮天紀下極地理遠取諸物近取諸身更相問難雷公之論授業傳之而內經作矣蒼周之興秦和述六氣之論具明於左史厥後越人得其一二演述難經西漢倉公傳其舊學東漢仲景撰其遺論晉皇甫謐刺為甲乙階揚上善纂為大素唐王冰篤好之太為次註林億素問序

素問惟八卷

陰香山齋

班固曰內經十八卷素問即其經之九卷兼靈樞九篇乃其數焉雖年代移革而授學猶存懼非其人時有所隱故第七一卷師氏藏之今之奉行惟八卷爾

周有和緩漢有淳于魏有張公華公皆得斯道妙者

也王冰素問序

醫之起

帝王世紀曰黃帝使岐伯王典醫藥以療衆疾說文曰巫彭初作醫呂氏春秋亦曰巫彭作醫

方書所出

世諸方書藥法雖損益隨時大抵祖述黃帝如脉訣之出於晉王叔和病源之出於隋巢元方湯液經之出於商伊尹傷寒論出於漢張機千金備急出於唐孫思邈外臺祕要出於唐王珪皇朝太平集天下名家為大平聖惠其餘紛紛無代無之高小文曰炎帝

作藥方之以救時疾事物紀原

難經

帝王世紀曰黃帝合雷公岐伯論經脉旁通問難八十一為難經揚元操難經序曰黃帝八十一難經者秦越人所作按黃帝內經二秩秩九卷其義難究越人乃採精要八十一章為難經上同

陸宣公哀方書

陸宣公在忠州哀方書以度日非特假以此避禍蓋君子之存心無所不用其志也前輩名士往往能醫非滿生亦可及物而今人反耻言之近時士大夫家藏方或集驗方流布甚廣皆任人之用心本草單方

衛

雜

近已刻於四明及本朝諸公文集雜說中名方尚多未見有類而傳之者子屢欲為之恨藏書不廣倘有能用予言集以傳諸人亦濟物之一端也

本草

百藥自神農始

淮南子曰神農始嘗百草之滋味當此之時一日而七十毒世本曰神農和藥濟人則百藥自神農始也世紀或云伏羲嘗味百草非也梁陶弘景本草序曰神農氏王天下宣藥療疾以拯夭傷高氏小史曰炎帝嘗百藥以治病嘗藥之時百死百生帝王世紀曰炎帝嘗味草木宣藥療疾者本草四卷至梁陶弘景

草

唐李世勣等注共為二十卷皇朝開寶中重校定仁宗嘉祐中命掌禹錫等集類諸家雜藥之說為補註本草唐書于志寧傳志寧云班固惟記黃帝內外經不載本草齊七錄乃稱之世謂神農當藥黃帝以前文字不傳以識相付至桐雷乃載篇冊然所載郡縣多漢時張仲景華佗竄記其語梁陶弘景此書應與素問同類其餘多與志寧之說同也

事物紀原

陸本藥有君臣佐使

藥有君臣佐使大抵養命之藥則多君養性之藥則多臣療病之藥則多佐使猶以依本性所生兼復斟酌詳用此者蓋當為善

應

用藥增減

千金方云夫眾疾積聚皆起於虛虛生百病積者五臟之所積聚者六腑之所聚如斯等疾多從舊方不假增損虛而勞者其弊萬端宜應隨病增減聊復審其冷熱記其增損之主耳虛勞而頭痛復熱加枸杞萎蕤虛而欲吐加人參虛而不安亦加人參虛而多夢紛紜加龍骨虛而多熱加地黃牡蠣地膚子甘草虛而冷加當歸芍藥乾薑虛而損加鍾乳棘刺菴蓉巴戟天虛而大熱加黃芩天門冬虛而多忘加茯神遠志虛而驚悸不安加龍齒沙參紫石英小草若冷則用紫石英小草若容熱則用沙參龍齒不冷不熱

歸芎

烏

皆用之虛而口乾加麥門冬知母虛而吸吸加胡麻
覆盆子栝子仁虛而多氣兼微咳加五味子大棗虛
而身強腰中不利加磁石杜仲虛而多冷加桂心吳
茱萸附子烏頭虛而勞小便赤加黃芩虛而客熱加
地骨皮白朮黃芪白朮名虛而冷用隴西黃芪虛而痰
復有氣用生薑半夏枳實虛而小腸利加桑螵蛸龍
骨雞胍脰虛而小腸不利加茯苓澤瀉虛而損溺白
加厚朴諸藥無有一一歷而用之但據體性冷熱的
相主對聊叙增損之一隅夫處方者宜準此

藥有宣通補洩

藥有宣通補洩輕重澀滑燥濕此十種者是藥之大

體而本經都不言之後人亦未述遂令調合湯元有
昧於此者至如宣可去壅即薑橘之屬是也通可去
滯即通草防己之屬是也補可去弱即人參羊肉之
屬是也洩可去祕即葶藶大黃之屬是也輕可去實
即麻黃葛根之屬是也重可去怯即磁石鐵粉之屬
是也澀可去脫即牡蠣龍骨之屬是也滑可去著即
冬葵榆皮之屬是也燥可去濕即桑白皮赤小豆之
屬是也濕可去枯即紫石英白石英之屬是也只如
此體皆有所屬凡用藥者審而詳之則靡所遺失矣

本草黑白字

滕元發云一善醫惟取本草白字藥用之多驗蘇子

容云黑字者是後漢人益之

藥有陰陽配合

本草云凡天地萬物皆有陰陽大小各有色類尋究其理並有法象故毛羽之類皆生於陽而屬於陰鱗介之類皆生於陰而屬於陽所以空青法木故色青而主肝丹砂法火故色赤而主心雲母法金故色白而主肺雌黃法土故色黃而主脾磁石法水故色黑而主腎餘皆以此推之例可知也

誤注本草

張文潛好食蠨蛸晚苦風痺然嗜蠨蛸如故至剔其肉滿貯巨杯而食之嘗作詩云世言蠨蛸毒甚過食風乃乘

風淫爲末疾能敗股與肱我讀本草書美惡未有憑筋絕不可理蠨蛸續牢如絙骨萎用蠨補可使無崩騫凡風待火出熱甚風迺騰中言若遇蠨其快如霜冰俗傳未必妄但恐殊愛憎本草起東漢要之出賢能雖失諒不遠堯跖終殊稱書生自信書俚說徒營營文潛爲此詩殆嗜蠨之僻而爲之辯耶抑真信本草也如河豚之目并其子凡血皆有毒食者每剔去之其肉則洗滌數十過俟色如雪方敢烹故梅聖俞詩云烹魚苟失所入喉爲鏌鋣而大觀本草乃云河豚性溫無毒所謂注本草誤而能殺人者殆此類耶

本草藥名之異

本草一物而有數名者詳載本經至有日常用之藥
乃有異名一時難以尋討今直指其名表而出之庶
有益於後學牡蒙乃紫參衛矛即鬼箭紫葳今凌霄
花懷香子即茴香也莎草根今香附子是北亭砂乃
硃砂茗苦茶者茶也無食子沒石子是南燭枝今烏
飯葉菴根茭筍也惡實即牛蒡子蠶實即馬蘭淫羊
藿即仙靈脾假蘇是荆芥胡是大蒜牙子乃狼牙馬
勃乃馬屁菌也商陸即當陸根敗天公人戴竹笠之
敗者薰陸香乳香也訶梨勒初未成實風吹之墜地
謂之隨風子大平廣記載南威橄欖也石蜜櫻桃也
盧橘枇杷也木蜜棗也塵塵也葱白涼青熟通九竅

菲白暖比之羊肉青涼閉九竅萊菔乃蘿蔔小草即
遠志葉半天河竹籬頭水也薯蕷今之山藥神屋即
龜甲五靈脂寒號虫糞也艾實菱也烏羊即慈菇蚤
休即紫荷車浮石載石鱗條下慎火草即景天也

鍼灸

鍼灸之始

帝王世紀曰大昊畫八卦以類萬物之情六氣六腑
五臟五行陰陽四時水火升降得以有象百病之理
得以有類乃制九鍼又曰黃帝命雷公岐伯教制九
鍼蓋鍼灸之始也

明堂

今醫家記鍼灸之穴為偶人點誌其處名明堂按銅人俞穴圖序曰昔黃帝問岐伯以人之經絡窮妙于血脉參變乎陰陽盡書其言藏於金蘭之室洎雷公請問乃坐明堂以授之後世言明堂者以此並事物紀原

妙鍼瀨走

宋人王纂海陵人少習經方充精鍼石遠近知其盛名宋元嘉中縣人張方女日暮宿廣陵廟門下夜有物假作其塔來女因被魅感而病纂為治之始下一鍼有瀨從女被內走出病因而愈劉穎叔異苑

鍼葛愈鬼

徐熙字秋夫不知何郡人時為射陽令少善醫方名

聞海內常夜聞有鬼呻吟聲甚凄苦秋夫曰汝是鬼向所須吞曰我姓斛名斯家在東陽患腰痛死雖為鬼而疼痛不可忍聞君善術願相救濟秋夫曰汝是鬼而無形云何措治鬼曰君但縛葛為人索孔穴鍼之秋夫如其言為鍼腰四處又鍼肩井三處設祭而埋之明日一人來謝曰蒙君醫療復為設祭病除饑解感惠實深忽然不見當代稱其通靈長子道度次子叔嚮皆精其術焉唐史

鍼愈風手

唐甄權許州扶溝人常以母病與弟立言專習醫方遂究其妙隋開皇初為祕書省正字後稱疾除魯州

杖

刺史庫狄欽若患風手不得引諸醫莫能療權謂曰
但將弓箭向堞一鍼可以射矣鍼其肩隅一穴應時
愈貞觀中年一百三歲太宗幸其家視其飲食訪以
藥性因授朝散大夫賜几杖衣服其修撰脉經鍼法
明堂人形圖各一卷至今行用焉
天聖中仁宗不豫國醫進藥久未效或薦許希善用
鍼者召使治之三鍼而疾愈所謂興龍穴是也仁宗
大喜遽命官之賜予甚厚希既謝上復西北再拜仁
宗怪問之希曰臣師扁鵲廟所在也仁宗嘉之是時
孔子之後久失封爵故顏太初作許希詩以諷之於

試

是詔訪孔子四十七代孫襲封文宣王
皇朝類苑
善用鍼者從陰引陽從陽引陰以右治左以左治右
以我知彼以表知裏

鍼法

鍼愈風眩

秦鳴鶴為侍醫高宗苦風眩頭重目不能視武后亦
幸災異逞其志至是疾甚召鳴鶴張文仲診之鳴鶴
曰風毒上攻若刺頭出少血即愈矣天后自簾中怒
曰此可斬也天子頭上豈是試出血處耶上曰醫之
議病理不加罪且吾頭重悶殆不能忍出血未必不
佳命刺之鳴鶴刺百會及腦戶出血上曰吾眼明矣

無爲軍張濟善用鍼得訣於異人能觀解人而視其
經絡則無不精因歲饑疫人相食凡視一百七十人
以行鍼無不立驗如孕婦因仆地而腹徬左鍼右手
指而正久患脫肛鍼項心而愈傷寒反胃嘔逆累日
食不下鍼眼皆立能食皆古今方書不著陳瑩中爲
作傳云藥玉藥上爲世良醫嘗草木金石名數凡十
萬八千悉知酢鹹淡甘辛等味故從味因悟入益知
今醫家別藥口味者古矣邵氏聞

捫腹鍼兒

失新仲祖居桐城時親戚間有一婦人妊孕將產七
日而子不下藥餌符水無不用侍死而已名醫李幾

朱威
李

道偶在朱公舍朱引至婦人家視之李曰此百藥無
所施惟有鍼法吾藝未至此不敢措手爾遂還而幾
道之師龐安常適過門遂同謁朱朱告之故曰其家
不敢屈公然人命至重公能不惜一行救之否安常
許諾相與同往才見孕者即連呼曰不死令其家人
以湯溫其腰腹間安常以手上下拊摩之孕者覺腸
胃微痛呻吟間生一男子母子皆無恙其家驚喜拜
謝敬之如神而不知其所以然安常曰兒已出胞而
一手誤執母腸胃不復能脫故雖投藥而無益適吾
隔腸捫兒手所在鍼其虎口兒既痛即縮手所以遽
生無他術也試令取兒視之右手虎口有鍼痕其妙

如此泊宅

鍼急喉閉

足大指外邊指甲下根齊鍼之不問男女左右只用
入家常使鍼鍼之令血出即效如大段危急兩手大
指都鍼之其功甚妙唐

破石

破石謂以石為鍼也山海經曰高氏之山有石如王
可以為鍼則破石也重公

刺誤中肝

督郵徐毅得病華佗往省之毅謂佗曰昨使醫曹吏
劉祖鍼胃管訖便苦咳嗽坐卧不安佗曰刺不得

骨

管誤中肝也食當日減五日不救如佗言三國志

九鍼

九鍼上應天地陰陽一天二地三人四時五音六律
七星八風九野一鍼皮二鍼肉三鍼脉四鍼筋五鍼
骨六鍼調陰陽七鍼益精八鍼除風九鍼通九竅除
三百六十五節氣一鑱鍼二員鍼三鍤鍼四鋒鍼五
錐鍼六員利鍼七毫鍼八長鍼九大鍼

工鍼

僧海洲閩人也工鍼破天禧中入吳楚游京師寓相
國寺中書令張士遜疾國醫拱手洲一鍼而愈由是
知名既老歸蜀范景仁賦詩餞之云舊鄉山水遶禪

扁日日山光與水聲歸去定貪山水樂不教魂夢到
神京治平二年化去張唐英貽以偈曰信生本不生
言滅本不滅覺路自分明勿與迷者說劉季孫銘其
塔曰資身以醫有聞於時餘幣散之拯人於危此士
君子所難嗟乎師三百六鍼古底治舌出不收員三難四難五
王況字子亭本土人為南京宋毅叔塔毅叔既以醫
名擅南北況初傳其學未精薄遊京師甚悽然會鹽
法忽變有大賈覩揭示失驚吐舌遂不能復入經旬
食不下咽疔羸日甚國醫不能療其家憂懼榜于市
曰有治之者當以千萬為謝況利其所售之厚姑往

鹽

應其求既見賈之狀忽發笑不能制心以謂未易指
手也其家人怪而詰之況謬為大言荅之曰所笑者
輦轂之大如此乃無人治此小疾耳語主人家曰試
取鍼經來況謾檢之偶有穴與其疾似是者況曰爾
家當勒狀與我萬一不能治則勿尤我當為鍼之可
立效主病者不得已亦從之急鍼舌之底抽鍼之際
其人若委頓狀頃刻舌遂伸縮如平時矣其家大喜
謝之如約又為之延譽自是翕然名動京師既小康
始得盡心肘後之書卒有聞於世事之偶然有如此
者況後以醫得幸宣和中為朝請大夫著全生指迷
論一書醫者多用之王明清
餘話

艾謂之一壯

醫用艾一灼謂之一壯以壯人為法也其言若于壯壯人當依此數老幼羸弱量力減之類

灸背瘡

京師萬勝門剝員王超忽覺背止如有瘡隱起倩人看之已如盞大其頭無數或教往梁門裏外科金龜兒張家買藥張視顰眉曰此瘡甚惡非藥所能治只有灼艾一法庶可冀望萬分然恐費力乃撮艾與之曰且歸家試灸瘡上只怕不疼直待灸疼方可療爾灼火十餘殊不知痛妻守之而哭至第十三壯始太痛四傍惡肉捲爛隨手墮地即似稍愈再詣張謝張

付藥敷貼數日安則知癰疽發於背瘡其捷法莫如灸也類編

蒜灸癰疽

薄

凡人初覺發背欲結未結赤熱腫痛先以濕紙覆其上立視候之其紙先乾處則是結癰頭也取大蒜切成片如當三錢厚薄安其頭上用大艾炷灸之三壯即換一蒜片痛者灸至不痛不痛者灸至痛時方位最要早覺早灸為上一日二日十灸十活三日四日六七活五六日三四活過七日不可灸矣若有十數頭作一處生者即用大蒜研成膏作薄餅鋪頭上聚艾於蒜餅上燒之亦能活也若背上初發赤腫一片

中間有一粟米大頭子使用獨頭蒜切去兩頭取中
間半寸厚薄正安於瘡上却用艾於蒜上灸二十七壯
多至四十九壯江寧宿紫極觀因掘得石碑載之
最要早灸瘵疾一曰二日十日十壯三日四日
女童莊妙真頃緣二姊坐瘵疾不起餘孽亦駸駸見
及偶一趙道人過門見而言曰汝有瘵疾不治何耶
答曰喫過多少藥弗效趙笑曰吾得一法治此甚易
當以癸亥夜二更六神皆聚之時解去下體衣服於
腰上兩傍微陷處鍼灸家謂之腰眼直身平立用筆
點定然後上床合面而卧每灼小艾炷七壯勞蟲或
吐出或瀉下即時平安斷根不發更不傳染敬如其

曰

教因此獲全生續

灸欬逆法

予族中有病霍亂吐利垂困忽發欬逆半日之間遂
至危殆有一客云有灸欬逆法凡傷寒及久疾得欬
逆皆為惡候投藥皆不效者灸之必愈予遂令灸之
火至肌欬逆已定元豐中予為鄜延經畧使有幕官
張平序病傷寒已困一日官屬會飲通判延州陳平
裕忽言張平序已屬續求往見之予問何遽至此云
欬逆甚氣已不屬予忽記灸法試令灸之未食頃平
裕復來喜笑曰一灸遂差其法乳下一指許正與乳
相直骨間陷中婦人即屈乳頭度之乳頭齊處是穴

予

艾炷如小豆許灸三壯男灸左女灸右只一處火到
肌即差若不差則多不救矣方
徐德古教灸者急灸項後髮際兩筋間宛宛中三壯
立止蓋血自此入腦注鼻中常人以線勒頸後尚可
止衄此灸決效無疑同上
灸牙疼法同上
隨左右所患肩尖微近後骨縫中小舉臂取之當骨
解陷中灸五壯予目覩灸數人皆愈矣灸畢項大痛
良久乃定永不發予親病齒痛百方治之皆不驗用
此法遂差同上

脚氣灸風市

蔡元長知開封正據案治事忽覺如有虫自足心行
至腰間即墜筆暈絕久之方甦掾屬云此病非俞山
人不能療趣使呼之俞曰是真脚氣也法當灸風市
為灸一壯蔡晏然復常明日疾如初再呼俞曰欲除
病根非千艾不可從其言灸五百壯自此遂愈仲兄
文安公守姑蘇以鑿輿巡幸虛府舍暫徙吳縣縣治
卑濕旋感足痺痛掣不堪忍服藥弗效乃用所聞灼
風市肩髃曲池三穴終身不復作僧普清苦此二十
年每發率兩月用此灸二十一壯即時痛止其他蒙
此力者不一而足夷堅志

甦

肩

莫

灸脚轉筋

岐伯灸法療脚轉筋時發不可忍者灸脚踝上一壯
內筋急灸內外筋急灸外

三里頻灸

若要安三里莫要乾患風疾人宜灸三里者五臟六
腑之溝渠也常欲宣通即無風疾

灸頭臂脚不宜多

如灸頭上穴灸多令人失精神臂脚穴灸多令人血

脉枯竭四肢細而無力既復失精神又加於細即令

人短壽

灸痔疾風市

既

唐峽州王及郎中充西路安撫司判官乘驛入駱谷
及宿有痔疾因此大作其狀如胡瓜貫於腸頭熱如
澹灰火至驛僵仆主驛吏言此病某從患來須灸即
差用柳枝濃煎湯先洗痔使以艾灸其上連灸三五
壯忽覺一道熱氣入腸中因大轉瀉先血後穢一時
至痛楚瀉後遂失胡瓜登驛而馳

本事方

灸蛇毒

朝野僉記載毒蛇所傷用艾灸當齧處灸之引去毒
氣即差其餘惡虫所螫馬汗入瘡用之亦效

灸難產

張文仲灸婦人橫產先手出諸般符藥不捷灸婦人

橫

右脚小指頭尖頭三壯炷如小麥大下火立產

灸臍風

樞密孫公抃生子數日患臍風已不救家人乃盛以盤合將送諸江道遇老媪曰兒可活即與俱歸以文炷灸臍下遂活青箱記

不宜灸

凡婦人懷孕不論月數及生產後未滿百日不宜灸之若絕子灸臍下二寸三分間動脉中三壯女子石

門不灸出千金方

有人因灸三里而滿面黑氣醫皆以謂腎氣浮面危

卽

候也有人云腎經有濕氣上蒸於心心火得濕成烟氣形於面面屬心故心腎之氣常相通如坎之外體卽離離之外體卽坎心腎未嘗相離也耳屬亦其中虛則有離之象目屬火其中滿則有坎之象抑可見矣以去濕藥治之如五苓散防已黃芪之類皆可用

醫餘

神醫

太醫集業

國家以文武醫入官蓋為養民設未有不自學古而得之者學古之道雖別而同為儒必讀五經三史諸子百家方稱學者醫者之經素問靈樞是也史書卽

脉

諸家本草是也諸子難經甲乙中藏太素是也百家
鬼遺龍樹金鏃刺要銅人明堂幼幼新書產科保慶
等是也儒者不讀五經何以明道德性命仁義禮樂
醫不讀靈素何以知陰陽運變德化政令儒不讀諸
史何以知人材賢否得失興亡醫不讀本草何以知
名德性味養生延年儒不讀諸子何以知崇政衛教
學識醇疵醫不讀難素何以知神聖工巧妙理奧義
儒不讀百家何以知律曆制度休咎吉凶醫不讀雜
科何以知用穴骨空奇病異證然雖如是猶未為博
况經史之外又有文海類集如漢之班馬唐之韓柳
及我大宋文物最盛難以槩舉醫文漢有張仲景華

閑

佗唐有孫思邈王冰等動輒千百卷其如本朝太平
聖惠乘悶集效神巧萬全備見崇文名醫別錄三因方

趙簡子

扁鵲傳趙簡子病五日不知人大夫皆懼於是召扁
鵲入視之曰血脉滯也而何怪昔秦穆公常七日如
此而寤寤而告公孫子輿曰我夢之帝所甚樂帝告
我晉國將亂五世不安其後將霸未老而死霸者之
子且令而國男女無別後獻公之亂文公之霸而襄
公敗秦師於殽而歸縱淫今主君之病與之同不出
三日疾必間間必有言矣居二日半簡子寤史記

神醫

陳昭遇者嶺南人善醫隨劉鋹歸朝後為翰林醫官
所治疾多愈世以為神醫絕不讀書詰其所習不能
答嘗語所親曰我初來都下持藥囊抵軍壘中日閱
數百人其風勞冷氣之候皆默識之然後視其長幼
虛實按古方用湯劑鮮不愈者實未嘗尋脈訣也莊
周所謂懸解童遇以為讀書百遍義自見豈是之謂
與類苑尸蹙者太子病所謂尸蹙者也夫以陽入
陰中動胃纏絡中經維絡別下於三焦膀胱是以陽
脈下逐陰脈上爭會氣閉而不通陰上而陽內行下

內鼓而不起上外絕而不為使上有絕陽之絡下有
破陰之絡破陰絕陽之色已廢脈亂而形靜如死狀
太子未死也夫以陽入陰支蘭臟者生以陰入陽支
蘭臟者死凡此數事皆五臟蹙中之時暴作也良二
取之拙者疑殆扁鵲乃使弟子子陽厲鍼砭石以取
外三陽五會有間太子蘇乃使子豹為五分之熨以
八減之劑和煮之以更熨兩脅下太子起坐更適陰
陽但服湯二旬而復故故天下盡以扁鵲為能生死
人扁鵲曰越人非能生死人也此自當生者越人能
使之起爾

史記

死胎

娠

手

李將軍妻病甚呼華他視脉曰傷娠而胎不去將軍
 言間實傷娠胎已去矣他曰按脉胎未去也將軍以
 為不然他舍去婦稍小差百餘日復動更呼他他曰
 此脉故事有胎前當生兩兒一兒先出血出甚多後
 兒不及生母不自覺旁人亦不寤不復迎遂不得生
 胎死血脉不復歸必燥着母脊故使多脊痛今當與
 湯并鍼一處此死胎必出湯鍼既加婦痛急如欲生
 者他曰此死胎久枯不能自出宜使入探之果得一
 死男手足完具黑長可尺所以他之絕技凡此類也

三魏國志

郝翁精於醫術而不論男女老幼皆能治之

手

郝翁者名允博陵人少代其兄長征河朔不堪其後
 遁去月夜行山間憊甚憇一樹下忽有大羽禽飛止
 其上熟視之一黃衣道士也允拜平允憐道士曰汝
 郝允乎因授以醫術晚遷鄭圍世以神醫名之遠近
 之人賴以活者四十餘年非病者能盡活之也蓋其
 術精良可信不幸而不可治必先語之雖死亦無恨
 於脉非獨知己病能前知未病與死近者頃刻遠者
 累年至其日時皆無失歲常候測天地六元五運考
 四方之病前以告人亦無失皇祐中翁死張岫子堅
 誌其墓云夏英公病泄太醫皆為中虛翁曰風客於
 胃則泄殆藁本湯證也英公駭曰吾服金石等藥無

數泄不止其敢飲藁本乎翁強進之泄止見邵氏開

褚澄善醫

南史曰褚澄善醫術建元中為吳郡太守百姓李道念以公事到郡澄見謂汝有重病益曰舊有冷病至今五年衆醫不差澄為診謂曰汝病非冷非熱當是食白淪鷄子過多所致令取蒜一升煮服仍吐一物如升涎褻之動開者是鷄雛羽翅爪距具足能行走澄曰此未盡更服所餘藥又吐得如向者鷄十三頭而病都差當時稱妙

唐與正治疾

唐與正少年得脉法於臨安醫者黃澤繼又得藥法

上

殆

檢

於太學生夏德懋所召紫霞僊遇人有奇疾多以意治其姪女年數歲得風痺疾先發於臆迤邐延至赤腫痛痒醫以上膈風熱治之不效唐診之曰是肝肺風熱盛極耳以升麻羌活荆芥鼠粘子赤芍藥淡竹葉桔梗乾葛八物治之自下漸退而腫聚於頂其高數寸雖飲食寢處無妨而疾未去也唐母吳夫人曰此女乳母好飲熱酒至并飲其糟疾殆因是歟唐方悟所以至頂不消之由思之唯乾葛消酒且能療火毒乃於先方加葛三倍使服之二日腫盡失去從舅吳巡檢病不得前溲卧則微通立則不能涓滴醫遍用通小腸藥窮技功弗驗

因其姪孫太用來問吳

常日服何藥曰叔祖常服黑錫丹問何人結砂曰自
爲之唐洒然悟曰是必結砂時鉛不死硫黃飛去鉛
砂入膀胱卧則倫重猶可搜立則正塞水道以故不
能通令取金液丹三百粒分爲十服煎瞿麥湯下之
膀胱得硫黃積鉛成灰從水道下猶累累如細砂病
遂愈葛之消酒硫黃之化鉛皆載經方苟不知病源
而以古方從事未見其可也夷堅
以醫知名成州團練使張銳字子剛以醫知名居于鄭州政和
中蔡魯公之孫婦有娠及期而病國醫皆以爲陽證
傷寒懼胎之墮不敢投涼劑魯公密邀銳視之銳曰

兒處胎十月將生矣何藥之能敗卽以常法與藥且
使倍服之半日而兒生病亦失去明日婦大泄而喉
閉不入食衆醫復指言其疵且曰二疾如冰炭又產
蓐甫近雖扁鵲復生無活理也銳曰無庸憂將使卽
日愈乃入室取藥數十粒使吞之咽喉卽通下泄亦
止建滿月魯公開宴自諸子諸孫及女婦甥壻合六
十人請銳爲客公親酌酒爲壽曰君之術通神吾不
敢知敢問一藥而治二疾何也銳曰此於經無所載
特以意處之向者所用乃附子理中元裹以紫雪爾
方喉閉不通非至寒藥不爲用旣以下咽則消釋無
餘其得至腹中者附子力也故一服而兩疾愈公大

加嘆異盡斂席上金匕箸遺之刑部尚書慕容彥逢
爲起居舍人母夫人病亦召銳於鄭至則死矣時方
六月暑將就木銳欲入視彥逢不忍意其欲求錢乃
曰道路之費當悉奉償實不煩入銳曰傷寒法有死
一晝夜復生者何惜一視之彥逢不得已自延入悲
哭不止銳揭面帛注視呼作匠語之曰若寧見夏日
死者面色赤乎曰無然則汗不出而蹙爾不死也幸
無亟斂趨出取藥命以水二升煮其半灌病者戒曰
善守之至夜半大瀉則活矣銳舍於外館至夜半時
守病者覺有勃勃然遺屎已滿蓆出穢惡物斗餘
一家盡喜遽敲門呼銳銳應曰吾今日體困不能起

然亦不必起明日方可進藥也天且明出門若將使
旋然徑命駕歸鄭彥逢詣其室但留平胃散一貼而
已其母服之數日良愈蓋銳以彥逢有求錢之疑故
不告而去紹興中流落入蜀王拒叔堅問之曰公之
術古所謂十全者幾是歟曰未也僅能七八耳吾長
子病診脉察色皆爲熱極命黃承氣湯欲飲之將飲
復疑至于再三將遂飲如有掣吾肘者姑持盃以待
兒忽發顛悖覆綿衾至四五始稍定汗下如洗明日
而脫然使吾藥入口則死矣安得爲造妙世之庸醫
學方書未知萬一自以爲足吁可懼哉

夷堅志

鼓

孫兆殿丞治平中間有顯官權府尹忘其名氏一日
坐堂決事吏人環立尹耳或聞風雨鼓角聲顧左右
曰此何州郡也吏對以天府尹曰若然吾乃病耳遽
召孫公往焉公診之乃留藥治之翌日尹如故尹召
孫問曰吾所服藥切類四物飲孫曰是也尹曰始慮
為大患服此藥立愈其故何也孫曰心脉太甚腎脉
不能歸耳以藥涼心經則腎脉復歸乃無恙孫之醫
出於眾人皆如是眾人難之孫則易之眾人易之孫
則難之真世之良醫也青箱集

潘環字温叟名醫也虞部員外郎張咸之妻孕五歲

姓

南陵尉富昌齡妻孕二歲團練使劉彛孫妾孕十有
四月皆未育温叟視之曰疾也凡醫妄以為有姓爾
於是作大劑飲之虞部妻墮肉塊百餘有眉目狀昌
齡妻夢二童子色漆黑倉卒怖悸疾走而去彛孫妾
墮大蛇猶蜿蜒不死三婦人皆無恙也田郎中張譚
妻年四十餘而天癸不至温叟察其脉曰明年血潰
乃死既而果然又貴江令王霽夜夢與婦人謳歌飲
酒晝不能食如是三歲温叟治之疾益平則婦人色
益沮飲酒易怠而謳歌不樂久之遂無所見温叟曰
疾雖衰然未愈也如夢男子青巾而白衣者則愈矣
後果夢則能食夷堅志

南史曰薛伯宗善徙癰公孫泰患發皆伯宗為氣封

之徙置齋前柳樹上明日而癰消樹邊使起一瘤如

拳大稍稍長二十餘日瘤大膿爛出黃赤汁升餘樹

為之痿損太平御覽劉從周妙醫

詔州曲江人劉從周妙於醫術有自得之見著書十

篇大抵與世俗異其論痢疾云常人以白痢為冷證

赤痢為熱證故所用藥如冰炭其實不然但手足和

煖則為熱當煎粟米湯調五苓散繼服感應元二十

粒即愈手足厥冷則為寒常服已寒元之類凡治痢

常以此別之初不問赤白也如盛夏發熱有傷寒冒

暑二證若熱有進退則為冒暑一向熱不止則為傷

寒當以此別之

有人家女病腫以榜召醫皆不能識焉嗣明問病由

云曾以手拔麥穗即有一赤物長二尺許似蛇入其

手指中因驚倒即覺手臂疼腫月餘漸及半身肢節

漸

華佗醫疾

華佗沛國譙人通養性之術年且百歲而猶有壯容

時人以為仙精於方藥處劑不過數種心識分銖不

傳

假稱量鍼灸不過數處若痰發結於內鍼藥所不能
及者乃令先以酒服麻沸散既醉無所覺因割破腹
背抽割積聚若在腸胃則斷截湔洗去疾穢而縫合
傳以神膏四五日瘡愈一月之間皆平復
華佗傳一士大夫不快佗曰君病深當破腹取然君
壽亦不過十年病不能殺君忍病十歲壽俱當盡不
足故自刻裂士大夫不耐痛癢必欲除之佗遂下手
所患尋瘥十年竟死孟魏志
扁鵲過齊初見齊桓侯曰君有疾公不應後又見之

曰君有病乃可治之公曰卿欲治無病之人以求其
功後又見公越人使走數日病發召越人越人曰初
見君病在皮膚鍼灸所及再見君病在血脉湯藥所
及今見君病入骨髓司命亦無所奈何後數日桓侯
乃薨

文摯

文摯齊人也齊威王病發使召文摯摯至謂太子曰
王病怒即愈王若即殺臣柰何太子曰無慮我當救
之文摯於是時來見王及來不脫履而登床王大
怒使左右持下將烹之后及太子扣頭請救王怒遂
解放摯因此病愈六國時人孟史記

董奉

董奉候官人也時交州刺史杜燮中毒藥而死奉以
太一散和水沃燮口中須臾乃蘇燮自說初死時有
一車門直入一處內燮於土窟中以土塞之俄頃聞
太一使至追杜燮遂開土窟燮得出

華佗

華佗字元化善養生之術廣陵太守陳登患胞煩滿
面赤不食使人請佗佗曰府君胞中有虫欲成盖腥
物之所為乃作湯令登服之遂吐三升許虫头皆
赤半身猶是生膾佗曰此病必更再發若值良醫乃
可救之後果發佗時不在病發遂卒

腥

臍氣已絕

縣吏尹世苦四肢煩口中乾不欲聞人聲小便不利
佗曰試作熟食得汗則愈不汗後三日死即作熟食
而不汗出佗曰臍氣已絕於內當啼哭而絕果如佗
言

並魏志

病有六不治

一不治輕身重財二不治衣食不能
適三不治陰陽并臍氣不定四不治形羸不能服藥
五不治信巫不信醫六不治有一於此則重難治也

千金方
引史記

隨俗為醫

扁鵲名聞天下過邯鄲聞貴婦人則為帶下醫過碓陽聞周人愛老人即為耳目痺醫來入咸陽聞秦人愛小兒即為小兒醫隨俗為變

扁鵲兄弟三人

鵲冠子云扁鵲兄弟三人並醫魏文侯問孰最扁鵲曰長兄神視故名不出家仲兄神毫毛故名不出問臣鍼人血脉投人毒藥故名聞諸侯

豎傷脾

濟比王召淳于意診脉諸女子保者至女子豎豎無病意告赤巷長曰豎傷脾不可勞法當春嘔血死王曰得毋有病乎意對曰豎病重在死法中王召視之

其顏色不變以為不然春豎奉劍從王之廁王去豎後令人召之即仆於廁嘔血死病得之流汗流汗者同法病內重毛髮而色澤脉不衰此亦關內之病也

病狂

蘄水縣高醫龐安時治病無不愈其處方用意幾於古人自言心解初不從人授也蘄有富家子竊出游倡鄰人有鬪者排動屋壁富人子大驚懼疾走惶惑突入市市方陳刑尸富人子走仆尸上因大驚到家發狂性理遂錯醫巫百方不能已龐為劑藥求得絞囚繩燒為灰以調藥一劑而愈龐得他人藥嘗之入口即知其何物及其多少不差也

張古史明道雜志

白明秋肝氣暫舒

四明僧奉真良醫也天章閣待制許元為江淮發運使奏課于京師方欲入對而其子病亟瞑而不食悒悒欲逾宿矣使奉真視之曰脾已絕不可治死在明日元曰觀其疾勢固知其不可救今方有事須陞對能延數日之期否奉真曰如此自可諸臟皆已衰唯肝臟獨過脾為肝所勝其氣先絕一臟絕則死者急瀉肝氣令肝氣衰則脾少緩可延三日過此無術也乃投藥至晚乃能張目精稍復啜粥明日漸蘇而能食元甚喜奉真笑曰此不足喜肝氣暫舒爾無能為也後三日果卒

筆談卷第二

喜多村直寬校

